

## **Francesg Riedi, Rueras**



Francesg Riedi ei naschius ils 12 da matg 1924 a Rueras. Ses geniturs ein stai Gion Giusep Riedi e Maria Culastia naschida Muggli. A Rueras ha Francesg passentau il temps d'affonza communablamein cun ses siat fargliuns. Suenter las scolas da vischnaunca a Rueras e Camischolas eis el staus pliras stads ad alp. Il temps denteren segida el el puesser dil bab. Plitard surpren el quei menaschi puril.

Il Francesg ha plascher dil cant ed aschia s'engascha el sco cantadur el Chor baselgia da Rueras. Buca meins che 43 onns conta el laud a Diu en la baselgia da s.Giachen.

La stad 1984 sforza in grev mal il dies da terminar cun la lavur da pur.

El sengascha e segida cun pesar il latg el vischinadi e la stad tscheu el leu cun far fein.

Ina nauscha grippa sforza il Francesg da serender avon in onn el spital. Quella lai buca pli returnar el a casa, ed il Francesg sto serender en tgira en casa da tgira a Mustér. Ils 10 da fevver vegn el clamaus pil viadi perpeten. Il Segner ha liberau il Francesg da tut mal terrester. Numerus vischins accumpognan ils 12 da fevver il trapassau o sil santeri da s.Vigeli. El ruassi en pasch.